

饒平縣志卷之五

穎川劉并纂修

鹽課 附雜稅
稅契

天一生水作鹽之味切於民生日用等諸作甘自管子以鹽筴霸齊後之言富國者必資焉而鹽課立矣饒信寧宣化二都居東海之濱地多鹵土民以煎晒販賣為業禁弛則病國權重則病民安上全下之道揅政者宜亟為之所志鹽課

明本縣信寧宣化二都屬縣治之東界海濱斥鹵為

饒平縣志 卷之五

鹽課

一

公

產鹽之地內分四柵曰大港曰大埕曰柘林曰高埕而大埕又分二柵原編鹽漏課七百二十一兩四錢五分設場官于小江場追徵後併本縣徵解至萬歷四十八年鹽丁苦於離縣寫遠復呈歸本場徵納矣

鹽課

額解有徵七百四戶人丁二千七百七十九丁成丁男子二千二百三十九丁每丁辦

鹽二引二百四十一觔四兩每一引例折銀一錢七分絕戶二百三十六戶人丁三百四十四丁

清出各柵餘丁補辦無徵鹽五百四十八引七十五觔餘鹽俱無徵

鹽鈔

舊額以計男婦三萬一千九百五十七口每歲坐食鹽六引折鈔六貫折銅錢一十

二文每銀錢七文折銀一分七厘一毫四絲二忽六微開月加一文嘉靖十八年十一月分巡嶺東道僉事雍剛過嘉靖十六年實在本縣六都人戶計人口二萬三千三百一十三口周歲食鹽小引九百九十九引七十八觔該鈔三萬九千九百七十五錢六貫 市民人口大男婦一萬三千三百一十二口周歲食鹽小引三萬九千九百六十二引六十六觔該鈔二萬四千零一十三錢二貫以上俱舊志

國朝定課小江場東畧額徵鹽課銀七百三十一兩四錢五分三厘五毫因海禁于康熙元年遷戶缺徵鹽課銀二百二十一兩零三厘二毫一絲八忽

饒平縣志 卷之五

鹽課

二

公

尚存徵鹽課銀五百零九兩四錢五分零二毫八絲二忽康熙三年遷戶全額無徵續于康熙八年展畧徵復鹽課銀五百九十八兩八錢四分一厘八毫八絲六忽至康熙二十四年墾復起徵鹽課銀九十四兩二錢零六厘七毫八絲八忽四微四纖康熙二十五年墾復起徵鹽課銀三十八兩四錢零四厘八毫二絲五忽五微六纖仍足原額外康熙十一年屆編審新增丁銀二兩七錢六分實徵課銀七百二十四兩二錢一分二厘五毫康熙

二十六年奉文每畝加增課銀五分共銀一百七
兩四錢四分二厘三毫五絲九忽通共鹽課銀九
百零六兩六錢五分五厘八毫三絲九忽五微

附東里志

鹽法之制編民爲丁使主煎晒之事免其雜差每
歲丁辦課鹽引二每引二一百四十一觔四兩謂
之本色歲散民戶每日給鹽六觔收鈔六貫折錢
一十二文及後廣濟橋召商納餉官不散鹽于民
乃發本色每引折銀一錢七分歲納銀四錢六分

而鹽聽民自賣然池漏沙埕課所從出鹽民變賣
並無推收之籍及其久也莫知坐止有司但以歲
額舊派于丁歲徵就丁責取池漏多者遮護隱藏
坐享其入貧民不堪逃亡接踵而國課遂虧折矣
嘉靖間鄉官張存誠在南臺時奏欲依糧田事例
課隨埕徵引隨漏俵庶幾可革欺冒賄賂之弊誠
爲有見但區處未悉沿襲旣久人情難以慮始官
司莫有任其事者奏遂停閣誠能推廣其意而酌
之人情土俗通變宜民則上完國課下恤窮民

世之利也其一則優恤之恩不可下靳蓋莫晒之事與耕不同太祖起自蜀閩親見其苦故將鹽戶盡數蠲免差徭後因有司將鹽戶與民戶混編洪武二十三年壯丁余必美小江場民奏聞太祖慨然再申前令列聖相承遵行不易後因竈戶多買民田及受民戶詭寄糧米有碍全免乃令竈戶辨鹽一丁者外以二丁幫免民田除一百畝不當差役節有奉行條例歷歷可考宏治二年都御史彭韶題各場竈戶受奸詐人民詭寄糧米以圖濫免有司

差役俱各推托不行應當宜量丁口貼湊難以一槩優免但係全課鹽丁每丁貼與餘丁二丁又正貼每丁餘田二十五畝免其差役此外多餘丁田俱發有司當差將詭寄人民收補逃故竈丁奉聖旨准行事久廢弛嘉靖八年僉事林希元題奏內開蠲徭役以完國課事戶部仍查彭奏覆議施行嘉靖二十年以後都御史蔡經忿鹽民逋欠盡革竈戶優恤然大尹羅東谷猶免丁一丁米一石以後則或免或否而知恤鮮矣若欲酌爲可久之法

則如彭文惠所奏最爲得宜至于詭寄民戶在黃
縣則托寵戶以圖優免遇追徵則稱無堪以誤正
課者猶當一切追革而不緩云

雜稅

饒平縣額徵襍稅并杉餉共銀六百五十三兩二
錢二分續于康熙十九年奉文加增烟稅銀五兩

康熙二十三年奉文停免加增襍稅銀二十兩加增酒坊稅銀

一十兩正康熙二十六年七月初六日奉文停免

稅契

饒平縣志 卷之五

抽課

五

公

原無定額 國朝順治間每歲額徵銀五十兩解
布政司充餉康熙二十二年十二月初五日奉文
加增稅契銀三十兩康熙二十六年七月初六日
奉文停免

屯田

自井田廢兵農分籍於伍者不稼不穡咸仰食于縣官給稍不繼輒有庚癸之呼此屯田一策於以時糗糧省轉輸甚便然克國屯金城孔明屯渭南皆行於師征之地明制郡縣設衛所令軍士守城者三屯田者七居平無事兵皆習農倣古井田遺意誠上策也厥後衛軍汰而田跡浸湮屯賦益繁國朝恩軫軍士命官履畝清覈蠲豁荒糧軍困稍紓屯制亦可以漸復矣志屯田

饒平縣志

卷之五

屯田

六

大城所轄

東洋屯

在元歌都

漳溪屯

在信寧都

上寨屯

在信寧都

黃大潭屯

在信寧都

原額屯田地稅三十七頃六十九畝六分米

七百五十五石八斗一升二合七勺內除荒隘稅

九頃五十八畝八分八厘米一百八十一石五斗

八升七合五勺六抄二撮六圭二粟九粒七截

實徵熟稅二十八頃一十畝零七分二厘米五百

七十四石二斗二升五合一勺三抄七撮三圭七

粟零三截

原額屯丁七十五丁歲徵銀一十二兩三錢八分
一厘九毫遇閏加銀五錢零八厘五毫
一軍器等項共料銀四十五兩二錢三分零五毫
軍汰無徵

潮州衛中所轄

東洋屯原額田埔一千二百四十畝帶額米二百
七十石四斗四升八合五勺內除荒隘缺額田埔
八十四畝二分八厘二毫無徵米一十六石九斗
二升七合四抄

饒平縣志

卷之五

屯田

七

公

原存實徵熟額田埔一千一百五十五畝七分一
厘七毫帶熟米二百五十二石五斗二升一合四
勺六抄

漳溪屯原額田埔一千二百四十畝帶額米二百
八十七石八斗四升內除荒隘缺額田埔五百一
十四畝一分四厘六毫無徵米六十石五斗一升
五勺三抄六撮

原存實徵熟額田埔一千七百二十五畝八分五
厘四毫帶熟米二百二十七石三斗一升九合四

勺六抄四撮

澄海所轄

溪西屯在信寧隆眼城二都額載田埔七頃五十
三畝帶米七十五石三斗內除荒陌并已墾未墾
科稅四頃三十九畝二分帶米四十三石九斗二
升

實徵熟稅三頃一十二畝八分帶米三十一石三
斗八升

東里志曰屯田之法督率則各屯有官受田則各

饒平縣志

卷之五

屯田

八

八

軍有數納糧則每年有額畧段則春耕魚鱗有冊
其法可謂詳密假使屯軍逃亡故絕則管屯之官
可以隨時申報而補其缺假使本田那移失陞則
同屯共事之人寄衛魚鱗之冊可以挨查閱實而
正其經畧假使屯軍拖負刀頑則就以所負之數
對覓本軍之糧而嚴懲創以警其後此皆近易可
行何致弊壞一至此極而善者亦無如之何哉余
嘗詢諸識者云其弊原于屯軍之不使更番釀于
屯官之不時查覈而成于彌文往來之相蒙蓋軍

不番休則視屯田爲已業其始也以田召佃利于坐食其入而歸餘于官久之佃反爲主丁反爲客問田所在如坐雲霧弊之所由生也又有貧丁不謀朝夕將田轉兌于佃久不能贖佃復詭冒轉賣于民遂并其田而沒之者若使屯丁五年一代交割之際各相稽求寧有此弊乎官以屯田爲名合屯是其職掌若使五年之間兩次統帶下手合替屯丁至屯所履歷坵段某段係某丁承掌某佃承耕如有那移侵冒屯丁屯佃各以軍法治罪或屯

官失查朦朧申報事覺一體重究則不惟屯丁無所容其奸佃戶無所長其惡而屯官亦思盡其職事不貽身家之累豈至段落失其坐址轉移百數十年久而莫之知乎近日刀軍與民仇惡妄將潮州衛中所之東洋屯告以爲大城所屯者委官不察而徇之以遂其奸他可知矣法窮則變變則通今之屯田譬諸琴瑟不調當改而更張之庶幾救積年之弊不知所務而取諸此以與不戰之軍不數年而弊復如前矣

積貯 養濟附

周禮荒政十二散利為先詩曰我取其陳食我農人
不有陳積利將焉散故積貯者生民之大命際
留預備猶不失常平遺意焉今日所宜亟講也志

積貯

際留預備倉

二倉在城西北深十四丈廣如之倉屋二十四間明嘉靖丁酉知縣翁五倫改

建于縣門外西榜廊之上今廢

本縣原設預備倉一所東面倉一廩先年積貯收

除稻穀俱經查盤明白至明萬曆十四年奉文議詳

饒平縣志

卷之五

積貯

上

仁

饒平縣遞年應開報贓罰穀二百石除歷年出陳
收支開耗外查貯在倉粟六百七十四石二斗八
升萬曆二十九年春夏亢旱秋稻又為颶風催折
少收米價騰貴三十年奉文行縣平糴倉穀五百
三十八石查極貧無銀買穀者每人給穀一斗共
給穀九十五石四斗又奉文勸富民助賑有監生
余世呂助穀一百二十石義民邱宗唐張盈助穀
一百石通勻分濟饑民三千二百名造冊申報兩
院批允准給邱宗唐張盈冠帶榮身三十四年五

年凶荒特甚民饑又苦就三十五年本縣署印縣丞方象斗詳平糴倉穀三千五百石後知縣陳景登詳平糴倉穀六百二十八石又四十五年本府知府陸典申明兩院批免府庫加徵廣濟橋商稅羨餘并罷權鹽茶菓共銀八百零四兩分災傷各縣本縣應得銀一百兩行發賑濟饑民續奉分巡道及兩院會行出聚查將倉穀價銀賑七留三查支倉穀一百二十七石三斗七升併支庫穀價銀一百七十四兩二錢五分賑濟極貧饑民又蒙府

牌發到府倉穀二百石銀二十兩節縣清審極貧次貧饑民造冊賑濟申報又蒙兵巡道兩院明文勸民助賑有本縣童生詹甲詹士楊黃若樸鍾應期各願助銀一百七十五兩本縣知縣陳景奎單騎遊遍各鄉村清審通勻賑濟極貧者每名給銀一錢次貧每名給銀八分共賑過銀四百七十六兩二錢五分尚剩銀二百二十三兩七錢五分存庫四十六年異風沸海災傷甚大通詳盡將前項銀賑恤造報童生詹甲等通詳兩院學道准給衣

入學施行

養濟

養濟院

在北門 真武廟後一棟餘地寬廣便丁
栽種凡無寡孤獨無歸者居之年皆仰給

官于

饒平縣志

卷之五

積貯

七

兵防

洪範次農用之政八口師易所謂以容民畜衆者也戎兵克詰海表咸服立政知恤莫大乎是饒憑山海之阻魑伏鯨橫時有不虞建威銷萌兵固不可一日不備也志兵防

明洪武三年設黃岡巡檢司黃岡爲閩廣之交山海之會流賊往來嘯聚截劫士宦商旅多受其害至是置司鎮禦之

三十七年置大城守禦千戶所於宣化都先是元

饒平縣志

卷之五

兵防

十三

伐日本南人留其地者以數萬計習水道遊掠海濱自澄萊至東粵咸被其毒至是命安陸侯吳傑于海濱訓練士率置城守禦大城所其一焉設正千戶二員副三員百戶十員鎮撫一員吏目一員倉廩衙署旗纛俱足旗軍一千二百二十五員名頒降軍器五千四百五十七件

調潮碣二衛提督東路山海窮僻遐荒要路內爲漳潮流賊外焉諸島倭彝常泊巨舟于南灣山爲內地患旣設大城所復調潮碣二衛官軍以防不

虞謂之提督東路駐劄於象頭山之天妃宮夏嘯
秋還後因佛郎機之變更遣東莞烏船助之

宏治十五年設巡檢于鳳凰山之坂頭村時因蘇孟
凱之亂置巡司備禦其地西至郡城九十里嶺
競日川徑傾仄強賊出沒之處最宜防守

嘉靖四十五年改東路為柘林寨東路之兵時

徹海寇伺其往來以為肆掠民無寧歲提督時

吳桂芳奏募民兵一千七百一十六員名領船大

小四十五隻以指揮一員將之建牙于天妃宮之

饒平縣志

卷之五

兵防

古

東南而移其宮於西北屹然一巨鎮焉其地對峙
南灣關廣之要至黃岡至大城相為犄角聲援相
通饒邑之門戶也

萬歷四年提督尚書殷正茂奉部咨設協守漳潮副
總兵於南灣南灣在本縣宣化都南大海中舊有
居民習禎稷化後島彝海寇依為巢穴漳潮受害
福建巡撫劉堯誨疏請於其地開設副總兵一員
協守漳潮統沿海衛所廣東柘林水寨船兵及福
建南路叅將所管水兵二千五百五十一員名船

八十五隻聽其管轄仍照北邊協守事權不聽兩省總兵節制如有重大事情呈詳兩省軍門裁奪報二鎮知會有大警則浯嶼碣石各遊兵亦聽調援與漳潮守巡兵備監軍各道協計而行春秋二汛二道親臨監督勅曰廣閩交界海洋添設協守副總兵一員該部議覆相應今特命爾充副總兵專駐漳潮交界海中南灣地方統領潮之柘林水寨大小兵船四十五隻官兵一千七百一十六員名漳州銅山遊兵船四十隻官兵一千八百三十

五員名共三千五百五十一員名於內扣取四百名限季輪班守城柘林守備福建遊兵把總與大城柘林銅山元鍾及潮漳二府沿海衛所並聽總轄節制如有重大事情俱要呈詳閩廣二省軍門裁奪仍呈報各鎮總兵知會如各總兵別有良策聽其具呈軍門酌處爾亦要遵行賊若登岸當水陸協攻廣東潮州福建南路叅將悉聽調度附近浯嶼碣石各遊兵大警亦聽調援二府海防同知炤舊責戒稽督漳潮守巡兵備監軍各道凡有應

行事宜俱協和計議而行倘廣賊越此入閩閩賊越此入廣二省別兵追逐至此務要從中要擊其圖剿滅未盡亦要隨賊向往入廣入閩聽各軍門調度毋得以漳潮無犯輒已如信地有事軍門別有調發亦要據實呈覆該管二府並有警急則以各軍門文移在先者遵行仍酌量輕重或先從其重者或均緩而分兵應之爾平時仍要選差敏捷水兵駕使輕舸遠行哨探如有小警作速相機剿捕或賊勢重大卽便遵行馳報軍門調發別枝兵

船互相策應併力協擊共保萬全如差人哨探候事許爾斬首徇衆爾受此委任須揀練官兵修理戰船加意防守保障地方務使海洋肅清斯稱委任如或貪黷債事國典俱存法不輕貸爾其勉之慎之故論

附請設南海總兵疏藁

巡撫福建右僉都御史臣劉堯誨照得海賊林鳳開遁外洋不知向往追之則勢不可窮縱之則勢將復還聚衆以拒之則師老而財匱且各賊乘虛

則入避實而去以此勞徹兩省有是慮者竊思漳潮之間以海爲限其海洋之南灣地險而沃百穀所生百貨所聚惟地非分土事在兩隣故往往爲賊逋逃藪而修船製器市藥褻糧百無所忌至于撫民林奇材魏朝義徒衆則皆出入於賊中居者專蓄積行者工擄掠今欲爲兩省久安計必先治南灣欲治南灣又先總事權今宜得一總兵領水兵三千人專守南灣而兼領漳潮兵事如賊從海外來將復尋舊巢也方其棲泊未定我兵起而薄

之此所謂掩其不備可以得志且南灣中有石城乃近時賊人許朝光所造雉堞濠塹屹然雄鎮可以處灣中田地不下千頃盤錯溪山土高水煖可以屯商民貿遷數多奇貨凡閩船入廣廣船入閩皆不能外南灣卽令該總批驗仍委文職一員兼同扼掣以供該鎮兵費一應奸民僞遊與賊爲市者其弊不待禁而自絕乃以撫定群賊卽藉之以爲民其酋首卽用之以爲長仍令隨兵調用該兵部覆議得南灣孤懸海中在漳之詔安縣西去七

八十里潮之澄海縣南去三四十里各止隔一水中有四山高聳可避風迅周遭水面約二百里沿山腴田數千頃擅山海之利歷代居民殷富宋避元兵駐此數月殊不窘乏國初信國公湯和奉命經畧海上謂其巢倭遂徙其民而墟其地其田糧則派諸海陽各縣至今街衢遺址尚存漁獵往來其間稱爲水國以其畧在兩省之交鞠爲盜區棄而不守後海寇許朝光吳平魯一本輩窺據其間勢甚猖獗竟合二省全功僅一撲滅之若就此開

鎮與陸兵對嶼如今議設副總兵一員統領舟師三千及建立城池駐劄于此誠得善後安攘之計且就中有田可耕有水可漁有商船可稅不出數年化爲樂土稱爲雄鎮不惟海寇駐劄無地抑且遮賊出沒不便雖從此以爲久安可也第副總兵之名擬以分守潮漳覺與叅將無別似應比照北邊各鎮改爲協守事權廩給并雜流供億定以前數等因萬歷三年九月初四日太子少保兵部尚書臣譚給等具題初六日奉旨南灣地方據漳潮

要害依議設官建鎮以便防守但創建之初事須
審慮其中應擬事宜着叻廣總督會同福建巡撫
一一計處停當務令經久可行副總兵推練習海
上事務有才勇的去做

郭子章曰南灣設鎮最爲得策今議者不諳猥云
海外斤鹵何須重兵而將士苦涉風濤樂于撤戍
又從而和之此寒儉小人之議未睹守國之大計
也以子章權之爲利者四灣昔稱饒野田千畝自
賊穴其地懸糧潮籍以橋鹽利歲時代納今兵環

饒平縣志

卷之五

兵防

十九

其外農畊其墊卽不能盡補虛稅而歲入稍稍少
濟兵餉便會稽得人可收充國孔明屯田之利一
也灣面海背山往吳平許朝光據之緩則入山出
寇郡縣急則下海要結倭奴今變爲兵營賊失其
窠二也往海寇之來也腹困鹹水其力不勁舟乏
火器厥燄不敷潛泊灣下以俟內賊接濟給以米
糧假之硝黃而後整搦戈楯入寇我疆今重兵守
之外賊欲泊以窺淡水則憚兵而不敢登崖內賊
欲出爲接濟則憚兵而不敢放舟故自設鎮以來

海不揚波三也溥跨閩越之交往分疆而屯分將
而營彼此推諉今總以一將閩粵一家手足相持
四也嗟乎守金陵者不守淮泗則長江失險守雷
廉者不守瓊崖則門庭受寇夫南溥亦潮之淮泗
瓊崖也惡可棄也

大啟三年移潮州右營兵鎮黃岡嘉靖之末海寇肆
亂知縣羅印凱呈詳巡撫舒公奏設通判一員駐
劄黃岡然衙宇空置官惟時歷四十四年改海防
同知亦但春秋二汎耳至是乃移右營兵鎮其地
而海防二汎仍舊不易

附關隘要害

竹林堡離黃岡一十二里閩廣之交會處山夾道
阻澗分南北舊設分水關砌橋築亭埤於途商貨
往來流寇常出沒焉歲編弓兵四十名衛軍二十
名防守

漁村小榕二隘在縣東南六十里地隣漳浦苦竹
村白葉洞剽掠之盜時常出沒捕盜者率漁村小
榕之民晝夜把戴探其所趨斷其歸路則盜相戒

不入境矣

九村嶺脚二隘在縣東北五十里境隣襄裒進灌諸村村民多爲盜者此隘亦捍蔽之地不可不守在嶺嶺卽繡衣嶺嶺門有亭兩川對峙水道阻絕誠縣治之咽喉也往時饒民爲亂嘗負以爲隘焉狐狸嶺在縣東五十里多盜徑東去老鼠嶺七里盜賊白晝截劫過者寒心

鐵色橋在縣北三十里北連大埔東撐平和西北烏槎一徑三支山寇往來之路也

饒平縣志

卷之五

兵防

三

南鋪嶺由鳳凰村抵郡城之路也層巒絕壁惡鳥陰林行人戒心之地

秀才徑界於黃山坑黃竹洋之關山蹊險阻行人常遭劫奪

橫山在均坑西北三四里縣至東界之通衢也山下卽海每潮長時賊乘小船潛師剽劫舊有寨設兵防守後廢隆慶中守備陳璘每遣哨兵哨守道路爲清明萬歷二年兵備金松澗置瞭臺其上調大城所軍六名守之

留嶺在尖峯後嶺上有狗眠寮縣東界適詔安之
路也賊首陳士選潛任寮中糾夥行劫詔安縣知
縣梁士楚討擒之後卽其地築堡調兵守焉大小
金門在柘林前海潮出入之所海賊之所由也陳
旗門卽陳旗山之海門也賊由南灣來者皆由此
入也

墩臺六所

白沙墩

鷄髻墩

饒平縣志 卷之五

兵防

六

橫山墩

鴻川墩

東川墩

上港墩

饒平城內舊無營將明崇正後山寇竊發衆議就
出捐餉養兵二百立一營以爲防禦

國朝因之順治十一年吳六奇奉

旨統兵二千駐札饒城兼轄黃岡大城所等處康熙
八年改鎮爲營除黃岡仍設一營外水營留兵九

自六十九名以遊擊一員將之中軍守備一千總
四把總八至二十三年奉裁外止留千總一把總
四官兵共五百九十八員名中軍帶領右哨千總
一把總二兵二百九十三名分防大埔及三河蒲
田等處汛地本縣守城兵二百六十七名其浮山
洋較埔等隘口俱係城守兵分汛歲支俸餉等銀
八千六百八十八兩米二千一百六十石

黃岡協康熙八年設康熙十六年復副將統之分
左右兩營都司二守備二千總四把總八左營都

饒平縣志 卷之五

兵防

二十三

司節為本協中軍其右營分防大城所至康熙二
十二年裁去左營都司節以右營都司管中軍事
現存兵一千二百一十名其分防汛地柘林井洲
鴻門黃山坑等處每年領給餉銀一萬七千五百
六十八兩米四千三百九十二石

南灣自明萬厯開設副總兵防守漳潮分福廣兩
營逮崇正季年海寇倡亂據為巢穴鼎革後遂廢
其地今康熙二十四年台灣蕩平海外俱入版圖
乃移廈鎮設總兵一員福廣兩營遊擊一員除福

營外其廣營遊擊標下守備一千總一把總四戰
守兵共一千二百名大小戰船一十六隻防守灣
城并深灣隆灣西閣長山等水汛每年頒給錢糧
一萬八千兩糧米四千三百二十石

舖遞

馬遞曰置步遞曰郵皆所以速傳命饒地僻不當孔道驛傳久已廢而郡檄下縣縣文上郡事或維棘非能不脛而馳故亦有步郵之設志舖遞

縣前舖 舊建南門外邊明嘉靖十九年知縣羅印凱改建于縣間申明亭之址

嶺前舖 坐石溪頭山向公畝山

湯溪舖 坐熱水山向溪

土坑舖 坐牛皮石嶺向翠州嶺

荔枝林舖 坐厝後山向前饒嶺

饒平縣志 卷之五

舖遞

二十五

漢塘舖 坐軍埔嶺向土坑山

黃田舖 坐清水嶺向麻湖村

樟溪舖 坐樟林村後向黃田嶺

徑口舖 坐黃銅嶺向新陂嶺

林姜舖 坐黃岡驛左向井洲村

浮山舖 坐百丈埔向港西村

鶴袖舖 坐黃紫殿山向黃岡溪

黃岡舖 坐度頭山向黃岡溪

竹林舖 坐竹林山尾向海

烏溪鋪

在神坑村西
南大路之傍

黃山坑鋪

坐西徑向官路
舊建為中火鋪

分水鋪

坐分水關
向關帶嶺

饒平縣志

卷之五

鋪遞

美